



BA

Broj: 12-11-15-2433/22
Sarajevo, 29. 8. 2022. godine

Na osnovu člana 72. stav (3) tačka c) Zakona o javnim nabavkama („Službeni glasnik BiH“, broj 39/14), nakon provedenog postupka javne nabavke licenci za Microsoft softver za potrebe Ureda za reviziju institucija u Federaciji Bosne i Hercegovine putem konkurentskog zahtjeva za dostavu ponuda (Obavještenje o nabavci broj: 296-7-1-23-3-25/21 objavljeno na Portalu javnih nabavki 2. 11. 2021. godine), generalni revizor donosi

ODLUKU

o dodjeli ugovora trećerangiranom ponuđaču za javnu nabavku licenci za Microsoft softver

I

Poništava se Odluka o izboru najpovoljnijeg ponuđača za javnu nabavku licenci za Microsoft softver broj: 12-11-15-1233/22 od 27. 4. 2022. godine, kojom je za najpovoljnijeg ponuđača izabrana ponuda ponuđača ARTCO GROUP d.o.o. za ponudenu cijenu od 42.500,00 KM bez obračunatog PDV-a.

II

Ugovor o javnoj nabavci za licence Microsoft softver dodjeljuje se trećerangiranom ponuđaču, LOGOSOFT d.o.o., čija ukupna cijena nakon e-aukcije iznosi 49.523,80 KM bez PDV-a jer je u konkurentskom zahtjevu za dostavu ponuda, nakon provedene e-aukcije, po rang-listi odmah nakon drugorangiranog ponuđača ARTCO GROUP d.o.o.

III

Ova odluka stupa na snagu danom potpisivanja i bit će objavljena na službenoj internet stranici Ureda za reviziju institucija u Federaciji Bosne i Hercegovine, <http://www.vrifbih.ba/>.

Obrazloženje

Ured za reviziju institucija u Federaciji Bosne i Hercegovine (u daljem tekstu: Ugovorni organ) je u skladu sa odredbama Zakona o javnim nabavkama („Službeni glasnik BiH“, broj: 39/14), Odlukom broj: 12-11-15-2775/21 od 27. 10. 2021. godine, pokrenuo postupak nabavke putem postupka – konkurentski zahtjev za dostavu ponuda za izbor najpovoljnijeg ponuđača za nabavku licenci za Microsoft softver za potrebe Ureda za reviziju institucija u Federaciji Bosne i Hercegovine.

Obavještenje o javnoj nabavci, broj: 296-7-1-23-3-25/21 objavljeno na Portalu javnih nabavki 2. 11. 2021. godine.

Postupak je provela Komisija imenovana Rješenjem generalnog revizora broj: 12-11-15-2775-1/21 od 27. 10. 2021. godine.

Nakon provedenog postupka, Ugovorni organ je donio Odluku o izboru najpovoljnijeg ponuđača broj: 12-11-15-3141/21 od 3. 12. 2021. godine.

Na navedenu odluku ponuđač ARTCO GROUP d.o.o. dana 10. 12. 2021. godine je izjavio žalbu.

Rješenjem Ureda za razmatranje žalbi BiH, broj: JN2-03-07-1-3513-7/21 od 13. 1. 2022. godine, djelimično je usvojena žalba ponuđača ARTCO GROUP d.o.o. te je predmet vraćen Ugovornom organu na ponovni postupak, odnosno naložen je ponovni pregled i ocjena ponuda koje su pristigle u roku za predmetni postupak javne nabavke.

Komisija je provela ponovni pregled i ocjenu ponuda i sačinila je o istom: Analitički prikaz traženih i dostavljenih dokumenata-Kvalifikacija dobavljača broj: 12-11-15-2775-15/21 od 7. 2. 2022. godine i Zapisnik o pregledu i ocjeni ponuda broj: 12-11-15-2775-16/21 od 22. 2. 2022. godine.

Uvidom u dostavljeni Zapisnik Komisije o pregledu i ocjeni ponuda, utvrđeno je:

- na protokol Ugovornog organa pravovremeno su pristigle ponude tri ponuđača i to: PING d.o.o., LOGOSOFT d.o.o. i ARTCO GROUP d.o.o.;
- na osnovu pregleda dostavljenih dokumenata ponuđača u odnosu na dokumente i zahtjeve tražene tenderskom dokumentacijom, utvrđeno je da ponude ponuđača LOGOSOFT d.o.o., PING d.o.o. i ARTCO GROUP d.o.o. ispunjavaju sve zahtjeve tražene tenderskom dokumentacijom
- u predmetnom postupku predviđeno je provođenje e-aukcije;
- e-aukcija održana je dana 14. 2. 2022. godine i pozvani su ponuđači PING d.o.o., LOGOSOFT d.o.o. i ARTCO GROUP d.o.o.
- nakon završetka e-aukcije Ugovorni organ je dobio obavijest Agencije za javne nabavke BiH o uspješno završenoj e-aukciji i Izvještaj o toku i završetku e-aukcije;
- najpovoljniji ponuđač nakon završetka e-aukcije je PING d.o.o.

Komisija je odgovornoj osobi Ugovornog organa predložila da u skladu sa članom 89. stav (1) Zakona o javnim nabavkama dodijeli ugovor ponuđaču PING d.o.o. čija je ponuda prema kriteriju najniža cijena – ocijenjena kao najpovoljnija.

Dana 22. 4. 2022. godine, na protokol Ugovornog organa izabrani ponuđač je dostavio Odgovor na obavještenje o izboru najpovoljnijeg ponuđača broj: 111/22 od 22. 4. 2022. godine, koji je kod Ugovornog organa protokolisan pod brojem: 12-11-15-1127-1/22.

U pomenutom dopisu, izabrani ponuđač PING d.o.o. navodi: „obavještavamo Vas da nismo u mogućnosti dostaviti revidirani obrazac za cijenu ponude i potpisati predmetni ugovor, bez da dostavimo alternativnu ponudu“.

S obzirom da je ponuđač odbio potpisivanje ugovora, shodno članu 72. stav (3) tačka c), Ugovorni organ je donio odluku o dodjeli ugovora drugorangiranom ponuđaču ARTCO GROUP d.o.o.

Dana 4. 5. 2022. godine, na Ugovornog organa izabrani ponuđač je dostavio Obavijest Ugovornom organu broj: 02-01/21 od 29. 4. 2022. godine, koja je kod Ugovornog organa protokolisan pod brojem: 12-11-15-1126-2/22.

U pomenutoj obavijesti, izabrani ponuđač između ostaloga navodi: „Potpisivanju ugovora prema ponudi iz specifikacije tenderske dokumentacije nismo u mogućnosti pristupiti i ovim putem izražavamo žaljenje zbog toga, u nadi da ćete shvatiti navede razloge“.

Uzimajući u obzir da je drugorangirani ponuđač odbio potpisivanje ugovora, shodno članu 72. stav (3) tačka c), Ugovorni organ je donio odluku kao u dispozitivu.

Pouka o pravnom lijeku: U skladu s članom 99. i članom 101. Zakona o javnim nabavkama, protiv ove Odluke može se uložiti žalba u roku od 5 (pet) dana od dana zaprimanja.

Žalba se ulaže Ugovornom organu u pisanom obliku neposredno na protokolu ili preporučenom poštanskom pošiljkom.

Žalba se podnosi u dovoljnom broju primjeraka, koji ne može biti manji od 3 (tri).

Dostaviti:

- Ponuđačima:
 - PING d.o.o.
 - LOGOSOFT d.o.o.
 - ARTCO GROUP d.o.o.
- u spis predmeta nabavke
- a/a

